

Opuscula

Opuscula

*Sanctus in
Je su Chri ste in a* (54)

SPLENDOR

Virtutum & Scientiarum

E

CAELO RELIGIONIS SERAPHICÆ

In

Orbem Christianum

REFLEXUS.

DIVUS

BONAVENTURA,

DOCTOR

SERAPHICVS,

Lauda

S. R. E. CARDINALIS.

ARCHIEPISCOPVS ALBANENSIS,

Anniversariâ Solennitatis Suæ Die,

Ad Sacram D. FRANCISCI Basilicam

Celeberrimi Conventûs Cracoviensis.

A
M. ANDREA IOSEPHO

ZAIFRET.

In Alma Vniversitate Crac: Philosophiæ Doctore & Professore.

ORATORIO STYLO

DEMONSTRATUS.

Anno Lucis increatæ MDCCXXV. Die XIV. Iulij.

CRACOVIAE Typis Iacobi Matyaszkiewicz S. R. M. Typogr:

IN STEMMA
Perillustris & Reverendissimi
 DOMINI.



CZVLSCIA cur Phæbe fulget cum sidere junctæ
 Monstrat: quod careat nubibus ista DOMVS.
 Æmula, cùm, Phæbo, nativo lumine claret.
 Auroræ partes; hoc sibi sidus habet.



P E R I L L V S T R I.
&
R E V E R E N D I S S I M O
D O M I N O

D. LAURENTIO
C Z U L S K I.

V. I. DOCTORI.

Ecclesiæ Cathedralis Chelmenfis CANO.
NICOPRÆPOSITO RATHINENSI.

Mæcenati Amplissimo.



*Plendorem virtutum & scien-
tiarum è Seraphico Cælo in
Orbem Christianum reflexum
BONAVENTURAM D:
quod Tuis adjungo Astris, non mirare. Pe-
rillustris & Reverendissime Domine. Novi.*

(a)

mus

mus etenim virtutem unitam fortio-
re, pretium pretio adjunctum majoris æsti-
mari. Splendidus ex sua natura adamās,
cultiori tamen insertus metallo splendidior
manet. Ex auro puro excuduntur Regum
Coronæ; attamen illis gemmæ inseruntur;
ut clarius Regio impositæ capiti emineant.
Tyriò purpurascens ostrò dybaphæ; or-
nant sat perbellè Principum lacertos, tor-
ques tamen illis aurei; cruceſq; gemmæ
adjunguntur in majoris augmentum ful-
goris. Primæ magnitudinis sidus BO-
NAVENTURA Tuae Gentilitiæ admo-
tus Cynthiæ; majores elucescent splendores.
Ut Sol sine corusco radio, ita Luna Tua do-
mestica sine lumine non existit. Phæbum
ipsum quod æmuletur, sidus eam præcur-
pens attestetur. Auroram agit; quod sem-
per æquali lumine cum Sole splendescat;
demonstrat. In plenilunio duntaxat re-
fulget, nunquàm decrescens observata. Ex-
tincta est vita. Illustrissimi & Reverendissi-
mi D. CONSTANTINI. VALENTINI.
CZVLSKI. Episcopi Claudiopolitani, Ar-
chidiaconi, Suffraganei; Vicarij in Spiritu-
alibus, & Officialis Generalis Chelmenſis

Pa.

*Patru Tui dilectissimi, de Ecclesia meri-
tissimi, sed tamen vel ipsa sepulchrales um-
bræ illi gloriæ meridiem accendunt. Hia-
bat ejus Insula, non ut opes colligeret; sed
ut Almīs Superis pro Diacesaneis suis se
ostenderet perorantem. Archidiaconatus
Ejus ipse conatus fuerat bonum Patriæ
procurare. A suffragando quodsi Suffra-
ganeus dictus; inopibus de suis opibus &
beneficijs suffragari solebat. Officialis po-
sterorum ad imitationem gravis officij mu-
nus adimplebat. Post fata sua inevitabi-
lia replevit dolore ingenti Sponsam suam
Ecclesiam, replevit & sibi addictissimos.
Celsissimus Princeps Illustrissimus & Reve-
rendissimus D. CHRISTOPHORVS in
Słupow SZEMBEK Episcopus Varmien-
sis à quo pontificià vittà adornabatur, ma-
gni doloris agnovit sensum. Rodit saucius
viscera dolor Illustrissimi ac Reverendissi-
mi D. ALEXANDRI ANTONII FRE-
DRO Episcopi Præmysliensis ejus animæ
dimidium erat, & toti gratissimus cor-
di. Tangit mæror irrevocabilis Perillu-
strem & Reverendissimum Dominum Magi-
strum BASILIVM PLASZCZEWSKI*

S. Th. Doctorem & Professore Canonice
Cathedralem Cracoviensem Almae Univer-
sitis Crac. Seniore Patrem & quo pro-
pinquiori affinitate jungitur, eo magis fata
Præfulis dolet, eumque vivere facit. Ma-
gnus BASILIVS in Regno literario me-
ritis, ætate senili sibi facit revirescere ho-
nores, si illos acceptaret. Unio trium Va-
velli Coronarum inestimabilis, pretio vir-
tutum suarum & meritorum omnem esti-
mationem adæquat. Scientiarum compen-
dium est in pectore ejus Aquinaticus Ty-
tan sibi pridem stationem elegit. Caput E-
jus nidus est eruditarum mentium ex quo
non una Minerva in Orbem Academi-
cum evolavit. Continuatur firmiter Præ-
fulis olim Illustrissimi laus, cum fama pe-
renni in STANISLAO CZVLSKI.
magnifico Parente Tuo Germano suo di-
gnissimo. Lustrant alij exoticos Soles ra-
ro Lucij sæpius tenebriones revertuntur.
Ille à Gentilitia sua Cynthia satis splen-
doris habet Vir magnarum cogitationum,
Cælestium Contemplator gravior meritis,
quam annis. Quidquid virtutum est in
Magnifico Parente Tuo; quidquid in Tu-
is ma-

is magnis Antecessoribus resulget; hoc
totum in compendio tenes Perillustris
& Reverendissime Domine, à lacte
statim factus es magnorum Candida-
tus honorum. Literarum tractabas stu-
dia; quæ Tibi ad ulterioris vite
tractum, & ad honores altiores sub-
servirent. Ad accensam Cleanthis lu-
cernam, noctes in dies convertebas,
& Scholastico Phæbo illustribus digni-
tatum titulis præludebas. Vidit Ia-
gellonica Pallas Tuæ excellentiam men-
tis, & mirata quod nulla difficul-
tas dari poterat, quæ Tibi non faci-
lis esset. Collegisti omnes ex Eurip-
po Philosophico eruditionis gemmas,
quibus alios discere facis, quoties eru-
ditos loqueris sensus. Theologica scien-
tiarum arcana aliis occulta; Tibi ad
Thomisticum Solem evidentia patuere.
Auxisti Cynthiæ Tuæ splendorem A-
quinatico Phæbo ut etiam aliorum te-
nebriones animos illustrares. Plura
scivisti quam alij discere possunt, si-
ve privato sive publico incumbebas

(b)

stu-

studio utroq; semper gloriosus. Præ-
cellentes ingenij dotes & qualita-
tes, ad Astreæ contulisti bilancem,
ut pondus earum majus haberes æsti-
maretur. A Regia Pallade Cracovi-
ensi solenni plausu V. I. creatus
Doctor non ex nihilo meritorum. Docta
Tua tempora cingi debueras lauru,
quæ in Olympijs scientiarum continuo
sudabant. Inumbrata frons Tua Do-
ctorali corymbo, illustriores honorum ti-
tulos ad se provocavit. Egisti vigi-
lem circa animas fidelium in Pet-
czyska Pastorem; mox aliæ dignitates
tuis meritis advigilare visæ. Ad
Canonicatum Chetmensem prodromavit
Tibi gratia Illustrissimi olim Episcopi Clau-
diopolitani Patru Tui, sed magis magnæ Tu-
æ prodromarunt virtutes. Felix Cathedra
Chetmensis, quod damna satis Patru
Tui causata per Te sibi videat reparari.
Ornat Te Canonicatus, & ex Te maxi-
mum habet ornamentum. Quidquid di-
cis gemmeum est; Delphici Tripodis ora-
culum appellandum. In Sacris exedris
Peri-

Pericles esse crederis, audientium animos
delectas dulci facundia; in vitia semper
fulminando. Præposituræ Rathynensi ita
præes, ut illi prodesse omni meliori
studeas modo. Centoculum peragis Ar-
gum, ut sub Tua Pastoralis vigilantia
omnibus ad Tuam spectantibus curam,
adsit securitas omnis. Brevis est pagel-
la hæc Perillustris & Reverendissime Do-
mine ut possit capere merita Tua &
virtutes quæ sibi volumina & fastos po-
sunt. Functiones Tuæ quas exasse
pro bono Ecclesiæ peragis non exilem
suadam sed Tullios requirunt, imò
nec hos habere volunt. Maris
enim laudando agere, quam laudari,
Quare laudibus Tuis impar, in so-
lam nominis Tui desino venerationem.
BONAVENTURAM Doctorem
Seraphicum, Tibi eximio dedico Do-
ctori. Ignibus ille Seraphicis non o-
bruet, sed augebit tuæ splendorem Lu-
næ, ut in plenilunio honorum Sar-
matico affulgeat orbi, ducatque PE-

(b)

RIL.

REL VSTRIS & REVERENDIS.
SIMA DOMINATIO *longævos si-*
ne nube dies Clientali pectore precor.

PERILLVSTRIS & REVEREN-
DISSIMÆ DOMINATIONIS
VESTRÆ.

Profundissimus Cultor & Servus.

M. ANDREAS IOSEPHVS
ZAIFFRET P. D.



ORATIO.

Supendū dexteræ Divinæ opus, universum qualate patet Orbem, dum quotidie lynce insequimur pupillâ, finē omni à rebus sublunaribus derivato splendore tenebrionem appellare possumus AA. Coruscant etenim illustria ejus decora, explicant micantes radiorum suorum lineas, quibus possit illustrari, nullius tamen veri luminis fulgorem repræsentat. Immundus est, licet Mundus dicatur, pellucidæ virtutum diaphanitati, contrarius valdè. Spargunt suum sidera lumen; micat fulgoribûs igniferis æthèr, qui vix ponderibus suis libratam attingunt tellurem, mox inter occultata nemorum spelæa, inter scarrosos rugosorum montium colles, inter vasto profundas hiatu scatebras, absorbentur.

A

Conju.

Conjuravit Vesuvius cum Trinacrio monte,
prorumpit uterq; atram ad æthera nubem, fu-
mantem turbine & favilla candente, tonat u-
terq; horrificis mundo ruinis, attollit flamma-
rum globos tangendo sidera, interdū Scopu-
los & avulsa terræ viscera eructando, conglo-
merat cum gemitu saxa liquefacta sub auras,
usq; imô exæstuat fundô. Obruit inclyta To-
nantis palatia, ut Orbis tenebrio appareret.
Sævit in mundum tempus edax rerum, minu-
it ejus decora damnosa hora, quid non longa
dies? quid non consumunt anni currentes?
Quidquid laboriosa artificum fabricavit dex-
tera ad splendorem vniversi, id totum lon-
ginqua vetustas, subposuit doloso cineri, Tro-
janis favillis adæquavit. Totius Asiæ plus
quam ducentorum annorum opus Ephesinæ
Dianæ Fanum centum viginti septem singu-
lorum Regum illustratum columnis, ab uno
Herostrato factum profanum devastatum. E-
minebant in Iovis Ammonis templo centum
aræ locatæ, ardebant sacrati ignes, excubiæ
Divûm æternæ stabant. Ærea cui gradibus
surgebant limina, nexæq; ære trabes, foribus
cardo stridebat ahenis, hæc stridens contrivit
aquilone procella. Cessit omnis labor Cæ-
sareo

sareo amphiteatro, unum pro cunctis quod
fama narrabat opus, jampremitur silentio al-
to. Erexerat semiramis Urbem Babylona,
miserat duos inadversum permæniam currus,
nec poterant tacto ab axe constringere latus.
Struxerat excelsas Memphis columnas, attamen
ut non jactat ærefusos Babylonia muros,
itanec Memphi Pyramidum sua miracula
concessum prædicare. Ad ortum & occa-
sum spargens radios dives Mausoli sepulchrū,
sibi factum est sepulchrum. Lucentem in
Pharo Insula Ptolomæi turrim, e mari ad quod
stabat extinxerunt undæ, & letheo oblivionis
fonti invexerunt. Nec Ægypticæ Pyrami-
dis sumptus ex Arabico conglobatæ lapillo
ad sidera evecti, nec Iovis Ælei domus, excel-
sas Cælorum sedes imitata. Æmula fiderei
Olympi Babylonica turris muro munita, te-
naci plusquam trisulco Tonantis fulmine ta-
cta, casu cecidit graviore. Trecentis propu-
gnaculis centum æreis portis stabant immo-
tæ Thebæ, mox hisce obrutæ, in spes melio-
res non surrexerunt. Clariori loquar em-
phasi, quotquot decora, eorumq; splendo-
res mortalium industria effecit, omnes vero
lumine carent. Quare exeste hinc deformia

mundi decora, exēste! quorum tremulus ful-
gor cum fatuis meteororū disparet ignibus.
Veriora conspicio augusti fastigia tecti,
Domū sublimibus altā columnis, Religionē
Seraphicā Francisci. Excedit hæc pensiles in
aere semiramidis hortos, septem miracula or-
bis & auream Neronis domum excedit. Ru-
unt cætera orbis decora, sola hæc cum tem-
pore interciderere nequit. Tenebescunt mun-
dani nitores, semper fumantes tædas, nunquā
Phæbum æmulantur serenum. Sola seraphi-
ca Religio, non immeritò Cælum interris no-
minanda, cujus illustria decora ita refulgēt, ut
nulla succedanei temporis nube obruantur.
Coruscat hic FRANCISCVS seraphico a-
moris igne, micat ANTONIVS hypostatico
unione, & lilio intaminaticandoris decoratus,
quorum virtutum nitores in mundum Chri-
stianum derivantur. Dum vibro altius men-
tis cæcutientem pupillam, Bonaventuram D.
primæ magnitudinis Sidus adverto lucidissi-
mum. Tota vita illius fons luminis est inexhau-
stus, Doctoralis animus, augusta dignitatum
majestas, caput ei aurum purissimum est, o-
culi adamantina pellucidi claritate, totus Do-
ctor D. Sanctitate coruscus. Serenitas illa vir-
tutis

tutis ejus & Sapientiæ, quam Princeps Vrbi-
um Roma, majorem quam a trino quondam
perceperat sole, non tantum in Romanam
Ecclesiam, verum etiam in cunctos Mundi an-
gulos diffusa observatur. Tantis ergo deco-
ratum dotibus & vitæ Sanctimoniâ, Bona-
venturam D. Splendorem virtutum & Sci-
entiarum e Seraphico Religionis Cælo in or-
bem Christianum reflexum umbratili dictio-
nis svada venerabor. Illuminent virtutum
& scientiarum tuarum radij umbratilem di-
cendi facundiam Doctor D. ne tenebrio a-
nimus, ad tuum cæcutiat splendorem. Se-
renam frontem vestram ad splendorem Bo-
naventuram non dubito mihi affulsuram,
quam exposco.

Flammigera coruscum luce splendo-
rem sibi virtus & Sapientia efficiunt, utrius-
q; cultores fulgoris decorem augent, & or-
bi allucent Vniverſo. A. A. Cara Deorū sobo-
les virtus, non suum genus a Cæsare, aut a
Graccho, non ab Inacho ducit, sed tota lu-
mine suo radiat inextincto. Apelles, ejus
formam elegantem suo depingit penicillô,
a spectu sublimi & formidabili generosam ex-
ponit. Armata undiq; corpus sudans in se-

B

rena

rena facie gerit, clarior ipso Phæbo dicen-
da. Frontis luminibus, Cæli sidera æmu-
latur. In summo montis culmine residens,
omnibus terrenis prominet. Nititur viren-
ti frugiferâ palmâ, dextrâq; elatâ Polum tan-
git, ac sidera celsa. Immota persistit victri-
ci caput redimita lauru; de toto ejus corpo-
re eximius resplendet nitor. In suis mani-
bus omnes honorum splendores repræsen-
tat. Sane virtus, ipsa sibi stellatum firma-
mentum est, merces, uberrima messis & fru-
ctus. Ipsa pretium se majus in orbe nescit,
nec majora sibi stipendia poscit, quam se i-
psam. In se convertitur una, in se totum re-
perit, quod vasto clauditur Vniverso. Illi
cedunt Thesala tempe, Elysij campi, & for-
tunata vireta cedunt. Ipsa manet vicina Po-
lo, & altis contermina astris. Labor ejus
prima atria, & tecti penetralia, in domûs ex-
trema parte locatur honor promeritis tri-
buendus. Vitæ humanæ prodroma est, at-
q; magistra peritissima. Germana virtutis
soror Divorum sanguine nata Sapientia,
dum suâ progreditur viâ, adeste lynces mor-
taliûm pupillæ adeste! Splendidum ejus ap-
paratum adore. Incedit lacero amictu ve-
stita

stita, antiquis Philosophorum nobilitata pri-
vilegijs Sapiencia. Cur ei vestis vilis & la-
cera? opes contemnit caducas. Cur vul-
tum geminat serenum? tempus notat utrum-
q; sibi famulari. Quid tam durò edocet fræ-
nò? vesanos mentis furores cohibere. Cur
libros digestos gestat? res illi gratissima labor.
Cur volucris Scriptorijs ornata pennis? do-
cet tandem super astra evolare. Cur diram
suo premit calcaneo mortem? quod sola mo-
ri nesciat; demonstratur. Magna omninò
virtutis, & Sapienciæ claritas, sed major lon-
ge dum in suis Cultoribus relucet. Auxit
decorem fortitudinis Hercules, in quo illa ad
stuporem vsq; eminebat. Ampliavit dexte-
ritatem Achilles, amorem in Patriam Cur-
tius, pietatem in Parentes Æneas, totq; alij
semidei Heroes, clarum virtutis nomen, ma-
gis clarere fecerunt. Summus Aristoteles
altam Sapienciam altiùs tulit; Divinus Pla-
to in terris Cælestem reddidit, & maxima cir-
cumfufam claritate. Meritò magni Viri vir-
tutum & scientiarum Splendores appellandi.
Talem splendorem qui exambit videre?
in Cælum Seraphicum venerabundam
attollat, pupillam, & D. Bonaventuram

veneretur. Hetruria ejus natale solum virtutum adoravit Solem, nec dum natus, jam à suis splendoribus cuiusvis notus. Balneoregium præclara Civitas, ex maturo Infante lucis prima utente portione, omnia ventura bona non speravit, sed vidit. Maturus Infans orbi dubiū infert, Cælum ne in illo an ille in Cælo emineat? Pusiois vernant in labris rosæ, ex genis promicant stellæ, oculi magna luminaria dicendi. Lumine fidei illustratus, Sacro baptismi lavatus fonte, statim virtutum enituit splendor. Lacerat in cunis Hercules serpentes, vir Lernæas hydras, Erymantheos apros disrupturus; Bonaventura D. non jam virtuosus, sed ipsa virtus vitiorum colubros in viridi rumpit, in arido infernalem Mædusam devicturus. In ejus cunis renata Parentum faustitas, & Religio. Quibus fasciis membra ejus stringuntur tenella; iisdem ligatur in omne nefas effrenata mundi dissolutio. Virtus ei nutricem agit, moxq; illum lacte suo honorum omnium reddit candidatum. Pro crepundijs puerilibus virentem porrigit infanti palmam cui innititur sola, ut eadem magnæ spei indoles fulciatur, in splendorem mundi evasura. Ecun-
rum

rum evolutus fascijs, mox de virtute in
virtutem progreditur Celerinus. Pusio cor-
pore, jam mente Gigas Polum tangit, non
ut expugnet, sed ut in Apogæo maturitatis
appareat constitutus. Erumpunt in gaudia
Parentes, quod eorum filius portio magna
Cæli in annos crescit juveniles, solius Mun-
di faucius rodit viscera dolor, quod vitijs de-
crescat. Tantâ Sanctimoniâ vitæ offenditur
Mundus immundus, **BONAVENTVRÆ**
mala ventura meditatur. Quid agis Munde?
splendor **BONAVENTVRA** extingvi non
potest. Insanus es? dum Bonaventuræ sani-
tatem vexare intendis. Morbum patitur, in-
nocens pænâ afficitur, secretus commovetur,
non his tamen nebulis obruitur **BONA-**
VENTVRA, quia voto Parentis **FRAN-**
CISCO Patriarchæ offertur. Inter Cæli Se-
raphici locandus astra, splendidior appare-
bit. Vix studijs navat operam **BONA-**
VENTVRA, mox rudimenta literarum
ab eo cultiora evadunt. Prius casibus Gram-
maticis incubuit, ne in altum scientiarum su-
bitò elevatus, casum subiret graviolem, Scho-
lastico admotus Phæbo, splendor scientia-
rum dicendus. In bicollem Parnassi montem

fuis alacritatis non Pegaseis eluctatur alis,
ut tandem ex monte Alverni siderea Olym-
pi palatia possit securius advolare. Tam Tul-
liana tranavit feliciter flumina, quàm Ari-
stotelis Euryppum ubique gloriosus. Sed vir-
tutum & Scientiarum splendor ut emineat,
a Ritela FRANCISCO redditur sub tute-
lam, ad Seraphicos ignes inextinctam lu-
cem habiturus. Iam ne Doctor D. lucem
meritorum tuorum Religiosis conteges um-
bris? jam ne virtutum nitorem nigricanti ha-
bitu obvelabis? Novit BONAVENTV-
RA fallaciam Mundi, quem honorat one-
rat, cui servit deserit, quem amat hamat,
quem non odit dente rodit acuto, quem
illustrat, adurit & obfuscet, quem evehit de-
primit ejus splendor tenebræ, ejus favor,
furor, ejus felicitas infelicitas magna. Quid
quid Mundus ostendit, pomum Gomorhæ-
um est, foris nitet, intus cineres foveat. Co-
ruscat BONAVENTVRA D. non tamen
ad opacum Mundi corpus potuit resplen-
dere, in Cælo Seraphico sibi sphæram ele-
git. Vtique opposita penes se posita magis
elucescunt, dotes sole clariores BONA-
VENTVRÆ; ad nigricantem FRANCI-
SCI

SCI fimbriam melius apparent. Optimus
Observator Minorum Regulæ BONA VEN-
TVRA, verum se Minoritam demonstrat,
semper in humili de se sensu fundatus. A
synaxi Sacratissima abstinet, Soli mystico jun-
gi: reformidat, ne splendor creatus increa-
ta luce obruatur. Sed quid agis BONA-
VENTVRA? splendor es, a sole lucem
mutuari teneris. Itaque Iustitiæ Solem in
Sphæra Panis Eucharistici præsentem Intel-
ligentia Cælestis Angelus admovet BO-
NAVENTVRÆ, & Illum virtutum splen-
dorem efficit inextinctum. Sub Alexandro
de Ales tam resplenduit doctrinâ, ut ex ni-
do scientiarum ab alite sibi connexo genero-
sus pullus ad solem iustitiæ evolaret. Plus
profecit sub illo, quam sub Aristotele Ale-
xander, dum supra magistrum discipulus eva-
sit. Coruscus virtutum & scientiarum splen-
dor BONAVENTVRA non sibi tantum
lucet, sed Orbi Christiano. Hoc enim innat-
um splendoribus est, ut suis radijs aliquod
illuminent corpus. Volvit inexhausto rede-
untia sæcula motu auricomus Tytan, sed si-
mul totum illuminat vniversum. Solidi Cæ-
lorum postes, quod fulgentibus astris deco-

rati in cuncta influunt sublunaria. Triregio
Papalia coronantur capita, ut plurimæ gem-
mæ coruscantes, centoculum Argum Or-
bis universas lustrantem partes, demonstra-
rent. Rotundi Cardinalibus conferuntur
Galeri; non ut eorum sola capita vestian-
tur, sed ut alijs vertantur in asyla. Circu-
lares Regū excuduntur coronæ, non ut sem-
per inhæreant capiti, sed ut ad Reip: utili-
tatem sæpius moveantur. Cum ore quodam-
modo hianti Episcoporum conijciuntur In-
fulæ, ut quotidie Cælum versus erectæ,
pro suis perorent Diæcesibus. Dantur pallia
Archiepiscopis, ut iisdem pupillorum Regni
contegant nuditatem. Non sceptræ certe Re-
gia sunt, quæ in crucem posita, cruciatum
causant subditis non victoriâ. Non purpura,
quæ in Senatu erubescit pro bono publico
eminere. Non Mareschalcalis Scipio est,
qui suæ fortunæ colossus, alienæ flexibilis
arundo. Non sigillum, quod sua auro tur-
gentia obfigillat scrinia, non Regni thesau-
ri universos. **BONAVENTURA** & ipso
nomine bonus se ipsum communicat Univer-
so. Septem annis ab ingressu Religionis tra-
ctavit Theologica studia, quibus elapsis con-
sono

sono Patrum iudicio in Magistrum electus,
plura docuit quam didicit. Dum errores e-
volvebat difficultatum confundebat laby-
rinthos. Vt Oceanus hausta refundebat
flumina, ut speculum lumen acceptum e-
mittebat, ut Nilus plus quam septem ostijs
scientiarum totum Orbem alluebat. Librum
scientiarum cum magno conatu explica-
vit, de omnibus bene, malè de nullo sentire
docens. Quotquot sententias laboriosa
expresserat manu, tot radijs Orbi Christia-
no è Seraphico Religionis Cælo allucebat.
Parisiensis Gymnasij per Triennium Re-
gens, scientias & virtutes ad aliorum usum
perfectionari faciebat. Eruditissimus Regens
nullius recusabat utilitati servire. Quoties ex-
plicavit implicata, toties profundos in mi-
nimis, planissimos in profundis, certos in-
dubijs reddebat animos Auditoris. Gordi-
os scientiarum nodos non tam Alexandri sui
Professoris gladiò, quàm suæ mentis acu-
mine refecabat. Quam lectionem divisam
in specie legit, in una genus omnium diffi-
cultatum enodaverat. Tanta clarescens sci-
entiarum luce, decimotertio anno ab ingres-
su suo Religionis in cruce decadis omnis

D

igno-

ignorantiæ victor, in trino numero perfe-
ctissimus, omnium concordibus votis Gene-
ralis Magister Conventuum Religionis Fran-
ciscanæ promulgatur. Narbonensis Capitu-
li Præses omnibus præfuit consiliò & Sa-
pientiâ. Quidquid dixit, ipsi immortales fa-
sti aperti concurrebant, ut scribatur. Tan-
tâ eminentiâ mentis, tantis radijs virtutum
& scientiarum coruscus splendor Doctor Di-
vinissimus in Orbem Christianum luce sua
reflectebatur. Vidit tam maximum splendo-
rem **BONAVENTURAM** Clemens quar-
tus Pontifex maximus, & sine umbra ho-
norum noluit esse. Eruditam ejus frontem
omnium honorum & onerum capacem ju-
dicabat. Vnde Eboriensis Archiepiscopa-
tus vitta vincire voluit **BONAVENTU-
RAM**, sed fugit honorem se quærentem
Doctor Divinissimus, non ut onus, sed ut
præminentiam. Firmus in suo proposito
ab humili **FRANCISCI** pauperie non re-
cedit, ne sub pallio palleat, ne in Mundo In-
fulâ caput ejus redimitum fulgeat, e solo
Seraphico Cælo petit Orbi allucere. Scien-
tijs & virtutibus fulgere mavult, quam ho-
noribus. Genesis primum librum Parisijs de
septem

septem visionibus intitulavit, quot illi asteriscos inscripsit, tot in illo fecit nitere soles. Sententiarum libros sui laboris commentarijs illustravit, ut perfectius ignorantiae tenebris involutas mortalium mentes serenaret. Officium de Cruce Sacratissima vel ideo componere officium sibi assignavit, ut tanto opere partis adversae tenebras de Mundo Christiano propulsaret. Seraphicus Doctor est, sex Seraphinorum amoris explicavit flammās, ut & ipse amore igneo Caelum citius advolaret. In monte Alverni mystico proximus Soli, tam Seraphico ardebat amore, cum meditationes de Passione CHRISTI libello expresserat. Illud opus arbor iuremerito vocavit, ut sub arboris umbra clariūs orbi alluceret. Verum censes ne Doctor Divinissime, quod sub hac arbore te honores eminentissimi latebunt? minimé: honor utique sequaces fugit, fugientes sequitur. Splendes virtutibus & meritis in Caelo Seraphico, ut etiam in sphaera Cardinalitij refulgeas honoris, est necesse. Tibi Galerius conferendus, ut Tuo capiti annexus, Orbi extet tegumentum. Quocunque jeris, te pallium comitetur,

ut eo inopiam Mundi contegas, ipseque nitidior extes. Sed heu dolor! heu nefas! heu infelices mortalium vices! nullus splendor est, quem sua non sequatur caligo. Alternò redeunt horò lux & tenebræ, dies nocte, nox die truditur. Illustrissimus Princeps Planetarum Phæbus, nunc in Apogæo, nunc in Perigæo observatur, nunc clarus, mox atra obvolvitur nube. Illustres honorum tituli tenebrescunt, pallefcunt Purpuræ, excel-sæ deprimuntur majestates. Stetit in summo honorum culmine BONAVENTURA, paulopost tenebrosis fatorum circumdatur umbris, splendor forsitan virtutum & scientiarum è Seraphico Religionis Cælo in Mundū Christianū reflexus desinet nominari: minime vel ideo è Seraphico transfertur Cælo in Empyreum, clarius fulsurus. Solis die occidit BONAVENTURA, cum sole in Zodiacum Sanctimonix super Orbem oriturus. Affixus Cælo BONAVENTURA Divinissimus, non tamen in Mundum Christianum influere cefsat. Arida Sacra Lypfana ejus, in Rogū Triumphalem Orbi accenduntur. Ipse totus in Lugdunensi FRANCISCI locatur Ecclesia, ut illam
illus.

illustret, vel dum FRANCISCVS Orbi
suum non reliquerit corpus, in locum su-
um BONAVENTVRÆ subministret. Be-
ne est Seraphice Pater, parem Tuomune-
ri Atlantem reliquisti. Cæci vident, claudi
incedunt, errantes directe pergunt, quibus
BONAVENTVRA post fata superstes
manuductricem agit Cynosurā. Caput ejus,
quot adhuc crines gerit, tot Sapientiæ
& virtutum radijs coruscat, umbris sepul-
chralibus intactum. Amplius tremula Ora-
toris pupilla reformidat BONAVENTV-
RAM splendorem intueri, tanto vehemen-
te sensibili ne lædatur. Vobis hinc Pane-
gyris magna Patres Religiosissimi, Sacra-
tissimam Religionem vestram Cælum Se-
raphicum videt orbis & adorat. Influunt
in illum vestra nobilia astra, influxit coru-
scus splendor BONAVENTVRA Divi-
nissimus, eundem virtutum & scientiarum
radijs illustravit. Perseveres ergo in eius-
modi motu, adversis tamen fatorum casu-
bus non movende Sacratissime Ordo. Læ-
tare tenebrio Munde, quod splendor in te
reflexus BONAVENTVRA, tuas tene-
bras, virtutum & scientiarum radijs soleat

E


disi.


dissipare. Doctor Divinissime umbrosum e-
tiam Academi Cracij lucum tua illumina
luce, omnis fortis adversæ tenebras ab il-
lo propulsando, sic splendor virtu-
tum & scientiarum è Cælo Se-
raphicæ Religionis in Orbem
Christianum reflexus no-
sces, ut hactenus

D I X I.



u
e,
M
o-
m
o
es
er
ne
a-
ut
o
e-
y-
ri-
e-
n
o.
n
n





P.P.

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

